



kat.komp

53166

I

Mag. St. Dr.

P

*Buiszkovii Matthaei: Quaestio de rerum
coexistentia in loco.*

Biblioteka Jagiellońska



stdr0002411

QVÆSTIO

DE


RERVM EXISTEN- tia in loco.

Ad disputandum publico congressu pro-
posita in Almâ Academia Cracouiensi.
Mense Octob. Die 14. Anno M. DC. XIX.

A

M. MATTH. BVCZKOVIO, *Cont. Ieros. Se-
niore, Coll. Minore des. Horis antemeridianis.*

Permissu M. D. RECTORIS.



CRACOVIAE,
Ex Officina Matthiæ Andreouienfis.

Labor, & virtus, generosa nu-
trit pectora. *Senec. Epist: 31.*



Sub felicibus auspiciis M. D. ac Rñdi ad-
modum Patris, M. IACOBI IANIDLOVII,
I. V. Doctōris & Professoris, S. Sedis Apo-
stolicæ Protonotarij, Canon. Sand. in A-
cad. Crac. generalis studij RECTORIS
& Procancellarij.



Q V A E S T I O.

V. Vnum, idemq; numero corpus, Physicè consideratum, quod iuxta esse suum totale, nō autem iuxta partes sui diuersas, vnâ periodo duntaxat, licet non definitiuè nec informatiuè, sed prout distantia situalliter, & superficie localiter circumscribitur; possit esse simul ex natura suâ in multis partibus vniuersi, ijsq; diuersis seu etiam infinitis locis; prout id non nisi causæ supremæ omnia continenti simpliciter; & intelligentijs siue in se sumptis, siue ad corpora mouenda applicatis; necnon animæ intellectiuæ, corpus totum, & quamlibet eius partem informanti, secundum quid attribuitur: an verò nequaquam id ei cōpetere possit? atque adeo omne ens creatum vnum locum sibi vendicet, non autem plura; nisi primæ causæ potentia ordinatâ & absolutâ interueniente.

Conclusio Prima.

Vnum, idemque numero corpus, iure naturæ, non potest simul esse in locis diuersis.

Corollaria.

1. *Nulli virtuti naturali concessum est, ut efficiat suapte vi & potestate simul idem corpus in locis pluribus; cum nihil agat supra vires; id autem virtutis esse superioris, nemo ire potest inficias.*
2. *Quando aliquid indifferenter se habet ad plura; quâ ratione potest esse in locis duobus, eadem sanè posset esse in omnibus, sicq. processus daretur in infinitum.*
3. *Sicut per propriam naturam res est in una tantum specie: ita per vnâ dimensionem corpus est tantum in vno loco.*
4. *Quicquid mouetur localiter, quantum capit de termino ad quem, tantum perdit de termino à quo.*
5. *Dicere, corpus finitum posse esse in locis infinitis, repugnat rationi.*
6. *Locus circumscribit locatum gratiâ quantitatis: non quanta enim non sunt in loco circumscriptiue, sed saltem definitiue.*

Conclusio II.

Ens

Ens supremum ac illimitatum, est in toto vniuerso
eiusq; partibus quibuslibet: per præsentiam intel-
lectu, quatenus omnia cognoscit, & aperta ha-
bet simpliciter: per potentiam voluntate, qua-
tenus omnia creata illius nutui subiiciuntur, &
tam in esse quàm in operari ab eo dependent:
per essentiam, illapsu, quatenus omnibus rebus
inest sua substantiâ, estq; causa essendi omniû.

Corollaria.

1. *Esse in toto vniuerso & in omnibus eius partibus simul, nulli creaturæ cõuenit, sed soli immensæ & effec-
trici omnium rerum causæ.*

2. *Infinitas, & simplicitas, arguit primam causam
sine vlllo motu sui ipsius esse omni in loco, penitusque ex
vibonæ cõsequenti, e entis supremi infinitatem sequi-
tur omnimoda (ut Philosophi dicunt) Ubiquitas.
Porro infinitum esse id etiam ab antiquis nuncupatur,
quod complet omnia, extra illud autem nihil restat ac-
cipere.*

3. *Ens supremum ita replet omnia, vt illis vtique
non sit permistum: nec tamen ab illis exclusum dici po-
test; cum sit intra omnia, & tamen extra omnia esse
consideratur.*

4. *Prima causa habens ordinem ad omnia, sine vlla
scilicet dependentia; efficiendo, gubernando, conser-
uando,*

uando, rebusq; omnibus intimè illabendo, est omni præsens, abundantissimè replens omnia, ex eoq; illum esse ubiq; recta suadet ratio & religio.

5. Esse ubique, est omnia & singula loca continere, ab eis autem nequaquam contineri; exindeq; ob amplissimam infinitatis naturam, nulla prorsus ratione etiam spatiis imaginariis limitari nec commensurari.

6. Ens infinitum, si faceret vnum vel plures mundos præter hunc qui nunc est, adhuc esset in eis tanquàm continens non autem tanquàm cõtentum; nec mutaretur omnino eam obrem, quia non consurgeret noua relatio eius ad res creatas, sed potiùs rerum creatarum ad illud, quatenus videlicet nouum esse nunc primùm inciperent habere.

Conclusio III.

Substantiæ spirituales, quæ Philosophis intelligentiæ dicuntur, cum sint extra omnem materiam, nullo modo sunt in loco circumscriptiue secundum se, sed solummodò secundum substantiam loco præsentem, definitiue nimirum. Vtrum autem sola substantia citra omnem operationem, an verò ipsa operatio, sit formalis ratio intelligentiis essendi in loco, problema esto.

Corollaria.

1. Intel

1. *Intelligentiæ sunt in loco, siue operentur, siue non operentur.*

2. *Non est absurdum, intelligentias corporibus esse præsentem, applicatione virtutis in mouendo, gubernando, conseruando, idq; dependenter.*

3. *Intelligentia vna & eadem potest esse in pluribus locis secundum rationem adequatam, ob suam indiuisibilitatem completam; non tamen est ubiq; ob suam substantiam limitatam.*

4. *Intelligentiarum localis situs & consistentia, non est perfecte cognoscibilis sine proportionem ad corpora, ex quorum motu cognoscuntur esse in loco, licet eo non commensurentur; neq; spatio per quod transeunt coarctentur.*

5. *Motus localis intelligentiarum, requirit locum saltem definitiuum.*

6. *Intelligentias esse plures in eodem loco physico, non repugnat, ob earum immaterialitatem atomam ac indiuisibilem. At verò vtrum in loco metaphysico intelligentiæ plures esse possint, problema esto.*

Conclusio III.

Ita se habet anima ad corpus, quemadmodum causa prima ad totum vniuersum, quod continet & conseruat; ex eoq; vt causa prima in omnibus vniuersi partibus & ubiq; est, nec vllis locorum

locorum terminis coangustatur, ob suam infinitatem; sic animam in omnibus corporis partibus & ubiq; esse ob suam indiuisibilitatem, non est dubitandum.

Corollaria.

1. *Anima est interminabilis, quia incorporea; ex eoq; non potest dici quantitativa nec diuisibilis; porro indiuisibile ubi est totum est.*

2. *Non sic de corpore Phisico intelligendum, vt de anima intellectiua; quæ licet in corde dicatur esse principaliter iuxta philosophum; tamen in omnibus corporum partibus quas informat, quippe tam homogeneis quàm heterogeneis, ipsius essentia deprehenditur; Atqui corpus ubi est, ibi loco illud contineri & commensurari est necesse.*

3. *Anima est tota in toto & qualibet parte corporis tota; idq; propter suam simplicitatem, & virtutem, quàm mediante corpore exercet.*

4. *Totalitas animæ secundum essentiam & potestatem, non verò iuxta quantitatem molis, attribuenda est.*

5. *Anima humana corpori cōiuncta est in loco informatiue, in toto quidem corpore vt in subiecto ad æquate perfectibili: in qualibet autem corporis partē quatenus mouet vt in subiecto non æquate perfectibili.*

Idem uero

*Iam uerò anima separata à corpore ingreditur modum
essendi substantiarum separatarum & immortalium,
nec in loco est nisi definitiue.*

6. *Licet homo dicatur quantus vel albus; anima
tamen nihilominus etiam corpori iuncta non dicitur
quanta vel alba; quia hæc accidentia afficiunt subie-
ctum non ratione utriusq; partis, sed vnius duntaxat;
quæ quidem est corruptibilis; porro anima est immorta-
lis & incorruptibilis.*

Conclusio V.

Potentia primæ causæ absoluta cùm sit illimitata
& infinita, potest efficere vt idem corpus sit in
locis pluribus & diuersis.

Corollaria.

1. *Potestas entis supremi efficit omne id quod ha-
bet rationem factibilitatis: id verò quod non potest ef-
ficere, dicitur ἀδύνατον seu impossibile.*

2. *Non propter diuinæ potentiæ, sed propter defectū
rei factibilis, dicitur aliquid primæ causæ factū im-
possibile; quod non sit capax illius ex suæ naturæ per-
fectione & bonitate summâ, vt pote admittere illa quæ
deformitatem & priuationem in se habere videntur.*

3. *Potentia primæ causæ cum sit duplex; Absolu-
ta quæ*

ta quæ ad omne ens possibile se extendit; Ordinaria, quæ ad finem cuncta dirigit, eaq; iuxta naturæ suæ institutum moderatur, ac ordinem promouet sempiternum; Hac utrâq; prima causa cum sit prædita, potest omnia efficere, ~~pura~~ illa quæ non implicant contradictionem.

4. Dato casu, vt si vnum idemq; numero corpus supernaturaliter esset simul & semel in pluribus locis per diuinam potentiam, accidentia quæ ordinem habent ad locum siue ad vbi, vel idem sunt cum eo, non prorsus vbiq; eadem corpori acciderent. Cætera porro accidentia, quæ non habent ordinem ad locum, vbiq; ei conuenirent; nisi diuinæ potentie omnipotentis nouum miraculum interuenerit, cuius vi fieret, vt illa etiam accidentia quæ non habent ordinem ad locum, eidem corpori vno in loco & non in alio tribuerentur.

5. Non est inconueniens corpus secundum diuersas sui partes esse in locis diuersis naturaliter, idq; secundum quid & non simpliciter. Namq; partes cum non existant per suum esse proprium, sed secundum esse totius, idcirco nec distantiam localem possunt sibi vndiquaq; vindicare, nisi ratione totius corporis extensi.

6. Siquidem vnumquodq; corpus, habet suas superficies tam extimam quàm internam, necesse est iuxta eas continens statui: vel commune, quod scilicet plura continet in se contenta, quemadmodum cælum omnia inferiora

*inferiori corpori: vel proprium, quod ita continet hoc
ut non illud, non q. ipsum contentum actu secundum a-
liquid sui ampliùs ab alio continetur.*

Disputabitur hæc Quæstio publicè in
Magna Aula DD. Theologorū Cracouiæ:
quam tuebitur M. MATTH: BVCZKOVI-
VS, Cont. Ieruf. Senior, suffultus patro-
cinio & benignitate Excellentiss. ac Rendi
Admodum Domini, M. MARTINI CAM-
PII VADOVII, S. Th. Doctoris & Profess.
necnon ad S. Flor. Præpositi: Domini, Pa-
troni, & præceptoris sui colendissimi.

FINIS.

Disputabit hinc Questio publicè in
 Major Aula L.D. Theologorū Cracovien-
 quorū tuncbitur M. MARTIN: BACONOV-
 vs, Comes local. Senior, iustitius patro-
 cinio & benigne Excellentissimū ac Rendi-
 Adversarius Dominus, M. MARTINI CAM-
 erl. & c. L. S. Theologorū & Presb-
 terior ad S. Flor. Presbiter; Dominus Pa-
 tronū & presbiteriorū sui colendissimū.

FINIS.



7.1.17

M
p
v
e
A
1
C
D

